



KERJASAMA: Nicol, sebagai Duta AIA Malaysia akan bekerjasama dengan AIA untuk membantu rakyat Malaysia hidup Lebih Sihat, Berpanjangan, dan Bermakna.

DUTA: AIA Malaysia mengalu-alukan Datuk Nicol David sebagai duta.

AIA lantik Datuk Nicol David sebagai duta AIA

KUALA LUMPUR: AIA Malaysia berganding bahu bersama Datuk Nicol David, yang baru dilantik sebagai duta syarikat bagi meneruskan misiinya untuk membantu rakyat Malaysia hidup Lebih Sihat, Berpanjangan, dan Bermakna.

Nicol akan memainkan peranan aktif dalam mempromosikan usaha syarikat insurans terkemuka itu dalam memperkasakan rakyat Malaysia untuk mempertingkatkan tahap kesihatan dan kesejahteraan mereka berdasarkan prinsip-prinsip utama AIA iaitu badan sihat, diet sihat, rohani sihat serta perancangan sihat.

Mengumumkan kerjasama itu semalam, Ketua Pegawai Eksekutif AIA Bhd Ben Ng berkata, pihaknya amat berbesar hati mengalu-alukan Nicol yang telah banyak memberi kesan positif terhadap dunia sukan global, ke dalam keluarga AIA.

"Kerjasama ini tepat pada masanya, di mana terdapat peningkatan kesedaran terhadap kepentingan kesihatan di kalangan rakyat Malaysia, terutamanya sejak beberapa bulan kebelakangan ini.

"Kami amat gembira dapat bekerjasama dengan Nicol, salah seorang ikon sukan tersohor dikalangan rakyat Malaysia di mana populariti-nya merentas generasi - untuk mendorong dan memberi inspirasi kepada orang ramai untuk menjaga diri dan keluarga mereka sebaiknya," katanya.

Nicol berkata, "kesihatan sentiasa menjadi keutamaaan saya, sama ada dalam kerjaya profesional sebagai seorang atlet mahupun untuk keyakinan peribadi saya sebagai seorang individu."

"Disebabkan ini juga saya dapat merasakan keserasian dengan AIA dan saya berbesar hati menyokong inisiatif mereka agar rakyat Malaysia menjalani kehidupan yang lebih sihat dan bermakna."

"Saya juga cukup teruja menjadi sebahagian daripada komuniti AIA Vitality – sal-



MOTIVASI: Sebagai Duta AIA Malaysia, Datuk Nicol David memotivasi ahli AIA Vitality serta rakyat Malaysia dalam membuat pilihan yang positif dan sihat setiap hari.

ing memberi motivasi untuk mencapai matlamat kesihatan masing-masing dan terus memberi inspirasi kepada orang ramai untuk menyertai program bermanfaat ini," katanya.

Dengan kerjaya skuasy yang mengagumkan selama 19 tahun, Nicol adalah seorang wira sukan negara yang telah mewakili Malaysia di peringkat global, menjadikannya individu yang disegani dan mempunyai daya tarikan yang mampu memparaguhinya dan menyatukan rakyat Malaysia.

Sepanjang tempoh kegembiran langkah kariernya, Nicol menguasai kedudukan global dengan merangkul Gelaran Dunia sebanyak lapan kali dan memegang kedudukan di tangga Nombor 1 Dunia selama 109 bulan berturut-turut.

Nicol memenangi gelaran dunia pertamanya pada usia 15 tahun, menjadikannya atlet Malaysia pertama yang dinobatkan gelaran itu seawal usia itu.

Selain itu, Nicol terpilih sebagai G.O.A.T (Greatest of All Time) oleh pemimpin sukan dan skuasy - suatu penghargaan yang dianugerahkan buat atlet yang telah merungkul sembilan Gelaran Asia.

Setelah mengumumkan persaranya pada tahun 2019, kedudukan Nicol sebagai contoh teladan kepada segenap lapisan rakyat Malaysia tetap

kukuh sehingga kini di mana beliau terus menyumbang kepada arena sukan dan pada masa yang sama, memperkasakan generasi muda untuk kekal cergas dan aktif.

Sebagai ikon sukan yang terkenal, Nicol tidak asing lagi dari topik kesihatan dan kecerdasan, malah perjalannya dalam dunia sukan bertepatan dengan peranannya sebagai duta AIA dalam menggalakkan rakyat Malaysia meningkatkan kesejahteraan fizikal dan mental mereka serta menjalani gaya hidup yang sihat.

Selain menjadi wajah kepada AIA Malaysia, Nicol juga akan memainkan peranan khusus dalam mempromosikan AIA Vitality, sebuah program perubahan tingkah laku unik AIA yang membolehkan individu mengawal kesihatan, kehidupan dan kesejahteraan mereka.

Bersama-sama dengan AIA, Nicol akan membantu inisiatif ini untuk mendorong dan memotivasi ahli AIA Vitality serta rakyat Malaysia dalam membuat pilihan yang positif dan sihat setiap hari - agar mereka dapat menjalani kehidupan yang lebih bermakna.

Nicol juga akan menyokong beberapa aktiviti komuniti dan perniagaan penting AIA dalam memaparkan dan menunjukkan manfaat yang dapat diperolehi dengan mengekalkan gaya hidup yang sihat.